

Här Mars di Bartolomeo  
President vun der Deputéiertechamber  
19, Um Krautmaart,  
L-1728 Lëtzebuerg

Lëtzebuerg, de 4. Abrëll 2017

Här President,

Esou wéi d'Chambersreglement et virgesäit, bieden ech Iech, dës **erweidert parlamentaresch Fro (Artikel 82)** un den Här Minister fir bannenzeg Sécherheet an un den Här Minister fir Infrastrukturen däerfen ze stellen.

*D'Zukunft vum Musée vun der groussherzoglecher Police ass ongewëss. Dëse Musée huet de Merite, wann och mat ganze bescheidene Mëttelen déi reng op de Benevolat opgebaut sinn, der „Flicht zur Erënnerung“ (devoir de mémoire) nozekommen, dëst fir ee vun der ganz wichtege Corpse fir eist Land.*

*Nieft den Erënnerungsstécker déi am Musée ausgestellt sinn, wéi Uniformen an Interventiounsween, geet et an dem Musée och drëms, d'Geschicht vun der Police an der Gendarmerie waakreg ze halen.*

*Donieft kéint de Musée vun der groussherzoglecher Police eng Attraktioun fir Touriste sinn, d'Evolutioun vun den Techniken an der Investigatioun opweisen, Schouklasse empfänken an esou och de Beruff vum Polizist opwäerten.*

*Och d'Gebai selwer – wat sécherlech sanéiert misst ginn – ass e wichtege Zeie vun Industriegebai aus der Mëtt vum 20. Joerhonnert, esouwuel wat d'Architektur selwer betrëfft wéi och Lifter, Fossen a Kranen.*

*Dowéinst wéist ech den Häre Ministeren dës Froe stellen:*

- 1) Deelt d'Regierung d'Meenung, datt d'Flicht zur Erënnerung och vis-à-vis vun der Geschicht vun der Police an der Gendarmerie ze respektéieren ass?*
- 2) Ass d'Regierung bereet, d'A.s.b.l. „Musée de la Police grand-ducale“ esou ze ënnerstëtzen, datt déi wäertvoll Kollektioun erhalen gëtt an ausgebaut ka ginn?*
- 3) Ass d'Regierung bereet, hir Haltung vis-à-vis vum Gebai um Verluerekascht ze iwwerdenken, an esou dem Avis vun der Kommissioun vir Sitten a Monumenter ze respektéieren?*

Mat déiwem Respekt,



Fernand Kartheiser  
Deputéierten